

Эхэ найхан нютагаа эд хамта мандуулаа!



БУРЯАДАД ҮНЭН

1921 оной
декабрийн 21-нээ
гарана

Бүгэдэ
арадай
газетэ

1996
МАРТЫН
20
Хабарай дунда
сагаагшан туулай
харып I
СРЕДА
гарагай 4
№53 (19393)
Газетын сэн
хэлсээтэ.

БУРЯАДАЙ ҮДЭРНҮҮД НЭЭГДЭБЭ

Буряад Республикын үдэрнүүд үсэгдээр үдэрэй 2 час 30 минутада Москвада Хани барисаанай байшан соо баярай оршон байдалда нээгдэбэ. Буряад Республикын Президент-Правительствын Түрүүлэгшэ А. В. Потапов, Правительствын Түрүүлэгшын орлогшонор А. П. Табалаев, А. Ч. Нимаева, Ю. Н. Цыбиков, манай республикын министрнүүд, Гүрэнэй комитедүүдэй түрүүлэгшэнэр, зохёохы холбоонуудай хүтэлбэрлэгшэд болон эмхидхэлэй комитедэй гишүүд энэ баяр ёһололдо байлсаа.

Россин Федерациин Правительствын Түрүүлэгшын орлогшонор, Россин Федеральна Суглаанай, Федерациин Соведэй болон Гүрэнэй Дүүмын комитедүүдэй хүтэлбэрлэгшэд, депутадууд, промышленна предприятинуудай, акционернэ бүлгэмүүдэй директорнүүд болон бусад тусхай тушаалтад Буряад Республикын үдэрнүүдэ нээгдэ хабаадалсаба.

Буряад Республикын үдэрнүүдэй Москва хотодо нээгдэхэнтэй дашарамдуулан, республикын Президент А. В. Потапов оройнгоо болон гадаадын гүрэнүүдэй олондо үдэсэл тараадаг хэрэгсэлүүдэй

журналистнуудта зориулжа, үглөөнэй 11 сагта Хани барисаанай байшан соо пресс-конференци үнгэргэжэ, тэдэнэй асуудалнуудта харюусахан байха юм.

Энэл үдэр манай оройн нийслэл хотодо эрдэм ухаанай-промышленна, уран зурагай искусствын, арадай урлал бүтээлнүүдэй выставкэнүүд нээгдэжэ, москвгайхидай анхарал татаба, һонирхуула.

Буряад оройн искусствын уран бэлигтэн, мэргэжэлтэ болон уран найханай бүлгэмүүдэй коллективүүд үдэшин 6 час 30 минутада П. И. Чайковскийн нэрэмжэтэ "Концертнэ зал соо концерт-наада табяа.

Республикыннай үдэрнүүдэй Москва хотодо нээгдэхэн баярта зориулагдажа, Буряад Республикын Правительство оройнгоо хүтэлбэрлэгшэдэй, айлашадай хүндэлэлдэ үдэшин 8 сагта П. И. Чайковскийн нэрэмжэтэ Концертнэ зал соо уулзалга хэһэн байна.

Мүнөөдөр, мартын 20-до, москвгайхид элдэб выставкэнүүдтэ орожо, тэндэ табигдаһан зүйлнүүдтэй танилсаха, "гүхэрээн шэрээдэ" хабаадаха, концерт-наада хараха юм.

Республикын ажабайдалһаа

ПРЕЗИДЕНТЫН ТУҢАЛАМЖА

Буряад Республикын Президент А. В. Потапов нөөсынгоо жасаһаа Буряадай гүрэнэй университеттэ 650 миллион түхэриг таһалжа үгэбэ. Энэ мүнгэ зөөри нуралсагай корпусуудыг түгэс найнаар таһабарилха, түхээрэлгэ хэрэгсэлнүүдыг худалдажа абаха

талаар хараалагданхай.

Гүндэ тосхоной дунда хургуулида түймэрэй аюулай хойшолонгуудыг усадхаха талаар республикын Правительствын толгойлогшын жасаһаа 120 миллион түхэриг мүн лэ дамжуулагдаа.

Наһатайшуулай дунда столой

тенисээр дэлхэйн түрүү нуури эзэлхын түлөө Норвегийн Лиллихаммер хотодо болохо мурьсөөндэ хабаадаха ошохын тула спортын ветеран П. С. Янгутовто Буряад Республикын Президентын нөөсын жасаһаа 3 миллион шахуу түхэриг һомологдоо.

ТҮРҮҮЛЭГШЫН НЭРЭМЖЭТЭ НУРГУУЛИ

Яруунын аймагай Эгэтын-Адагай колхозой түрүүлэгшэ байһан, Ажалдай Улаан Тугай болон Хүндэлэлэй Тэмдэг орденуудтай, олон медальтай Рабдан Цыцыктуевич Банзароной нэрэ нютагай хургуулида олгогдобо. Түрэл нютагайнгаа аша туһада бүхы хүсэ шадалаа, бэлиг шадабаряа зориулһан хүтэлбэрлэгшын дурасхаалыг мүнхэлхэ хэрэг Эгэтын-Адаг нютагта ажаһуугшадай зууршалга, дурадхалаар бөөлүүлэгдэ.

ШАГНАЛ

Дорһоо ургажа ябаа залуу үетэниие хургаха ба хүмүүжүүлхэ хэрэгүүдтэ үни удааг саг соо оролдосотойгоор хүдэлмэрилһэнэйн түлөө Буряад Республикын Президент 1996 оной мартын 14-нэй Зарлигаар Тыхеева Софья Ананьевнае Буряад Республикын Хүндэлэлэй грамотаар шагнаба.

Хэлхээ холбооной эмхинүүдтэ удаан саг соо оролдосотойгоор хүдэлмэрилһэнэйн түлөө Буряад Республикын Президент 1996 оной мартын 14-нэй Зарлигаар Буряад Республикын федеральна хэлхээ холбооной Бэшүүрэй районно узелай начальник Пантелеева Людмила Николаевнае Буряад Республикын Хүндэлэлэй грамотаар шагнаба.

ЗАГАНАЙ БАЯЛИГУУДЫЕ АРЬБАДХАХА

Республикынгаа заганай баялигуудыг арьбадхаха гэнэн зорилго республика дотор байгуулагдаһан заганай ажахын зүблэл урдаа табиба. Энэ зүблэл загаһа промышленна аргаар барилгын хэмжээнүүдыг, болзорыг зохёон хараалха юм. Заганай ажахынүүдта ушаруулагдадаг гарза хохидолыг харюулалгын ба экологическа жасын хэрэгсэлнүүдыг гаргашалгын гуримаар мүнгэн хангыг хиналтадаа абаха байна. Буряад Республикын Правительствын Түрүүлэгшын Нэгдэхэ орлогшо В. К. Агалов энэ зүблэлыг толгойло.

Буряад Республикын
Президентын
ба Правительствын
хэблэлэй албан.

ГУРБАН ФЕРМЕР ГЕРМАНИ ОШОХОНЬ

Агын округой гурбан фермер Москва ошожо, конкурсно хабаадаха эрхэдэ хүртэһэн байгаа юм. Эдэнэрнай хэд бэ гэбэл, Агын аймагһаа Цырен-Дашин Чимитов, Могойтын аймагһаа Баяр Цыденов, Дундаргаһаа Зоригто Суворов гэгшэд болоно. Энэ конкурсно Россин бүхы регионуудһаа 200-гад фермер хабаадалсаа. Эдэнэй дундаһаа 40 лэ

хүниинь шэлэжэ абтаха ёһотой байгаа.

Ехэ шалгалтын һүүлээр Агын гурбан фермер Германи ошожо, нураха эрхэдэ хүртэбэ. Тэдэнэр мартын 20-до Москвада суглаарад, тэндээ хоёр харын туршада тусхай хургуули гараад, Германи нуралсаха ошохонь.

Манай корр.

"Буряад үнэн" — 96

ЗАХИЛ ЭХИЛХЭНЬ!

Хүндэтэ уншагшад!

Байгша оной хоёрдохи хахад жэлдэ захил хэлгын сэнгүүд тухай асуудалаар зүблөөн Буряад Республикын Почтын хэлхээ холбооной управлендэ найхан үнгэргэгдэбэ. Элшэ хүсэһэнэй, тоһо-түлишын сэнгэй дээшэлхэнһээ уламжалан, почтын хэлхээ холбооной талаар хангалгын түлөө түлбэри дээшэлээ. Тийн манай газетыг уншагшадта хүргэһэнэй түлөө хэлхээ холбоонойхид имэ сэн тогтообо: хотодо 56100 түхэриг, хүдөөдэ—57300 түхэриг.

1996 оной хоёрдохи хахад жэлдэ газетыннай сэн 31500 түхэригтэ болоно. Уншагшадтайнгаа талыг хаража, республикын Почтын хэлхээ холбооной управлентэй зүбшэн хэлсэһэнэй үндэһөөр хоёр талын шийдхэбэри абтаһан байна. Газетэ, журналнуудта захил хэлгыг байгша оной апрелин 1-нээ эхилхэ.

Тийхэдэ хэлхээ холбооной хангалгын талаар имэ хүнгэлэлтэнүүд хараалагдаа:

—апрелин 1-нээ майн 1 болотор захил хэгшэдтэ—30 процент;

—майн 1-нээ июниин 1 болотор—20 процент.

Гадна редакциин үүсхэлээр бүхы пенсионернүүдтэ, инвалидуудта, олон үхибүүдтэй гэр бүлэнүүдтэ (3-һаа олон хүүгэдтэй), хүдөөгэй булта уншагшадта захил хэлгын бүхы болзор соо газетынгээ сэнгэй хахадынь түлэхөөр хүнгэлэлтэтэй захил соносхонобди.

Онсолон хэлэбэл, апрелин 1-нээ майн 1 болотор захил хэгшэд хотодо 71580 түхэриг, хүдөөдэ—55830 түхэриг, хотодо ажаһуудаг пенсионернүүд, инвалидууд, олон үхибүүдтэй бүлынхид мүн лэ 55830 түхэриг түлэхэ болоно.

Хүнгэлэлтэтэй захил хэхээ шамдагты, нүхэд!

ГАЗЕТЫН РЕДКОЛЛЕГИ

Буряад Республикын Президентын ЗАРЛИГ

Ц. Б. ЦЫРЕНДОРЖИЕВ ТУХАЙ

Албанайнгаа уялгануудыг халирхайгаар бөөлүүлһэнэйн, Буряад Республикын гүрэнэй засагай зургаануудай нэрэ хүндэ бууруулһан ябадалнуудыг гаргаһанайнь, түлөө иигэжэ тогтооноб:

1. Цырендоржиев Цыдып Балдановичыг "Буряад үнэн" газетын редакторай тушаалһаа буулгаха.
2. "Буряад үнэн" газетын редакторай уялгануудыг дүүргэхыень редакторай орлогшо Ринчинов Сергей Дугаржаповичта даалгаха.
3. Гар табигдаһан үдэрһөө тус Зарлиг хүсэндөө орохо.

Буряад Республикын Президент А. В. ПОТАПОВ.

Улаан-Үдэ хото, Правительствын байшан.
1996 оной мартын 13.

ХЭТЫН ХЭТЭДЭ АБАЖА ЯБАХА НҮР НҮЛДЭМНАЙ ЭДЭБХИТЭЙГЭЭР ХАБААДАХЫЕТНАЙ УРИНАБДИ

РОССИН ФЕДЕРАЦИИН субъектүүдэй нэгэн болодог хадаа манай автономито округ Уставаа баталан абахадаа, өөһэдэйн гербтэй, тугтай байха ушартай болоно гээшэ ааб даа. Энэ талаар Агын округой Дүүмэ 1994 оной ноябриин 10-да тусхай тогтоол баталан абаа бэлэй. Округой хүлдэ тэмдэг—герб ба туг зохиёжо бэлдэхэ талаар эмхидхэлэй комитет байгуулагдаһан байгаа. Энэ комитедэй бүридэлдэ ажалай болон дайнай ветеранууд, түүхэшэд, журналистнууд оролсоо нэн. Эмхидхэлэй комитедэй түрүүлэгшээр округой Дүүмын түрүүлэгшын орлогшо В. Н. Кириллов томилогдонхой.

Герб ба тугай эскизүүдэй конкурс соносхогдожо, пайнаар хэгдэһэниинь

"Агинская правда" газетэдэ толилогдохо болоо. Округ болон түб нууринда ажаһуугшад энэ шухала хэрэгтэ яһала эдэбхитэйгээр хабаадалсаба. Юундэб гэхэдэ, гербын 14, тугай 16 эскиз округой Дүүмэдэ даб дээрэ оронхой.


Дүүмэдэ ороһон гербын ба тугай эскизүүдтэй эмхидхэлэй комитет байгша оной апрель һарада танилсаад, округой Дүүмын ээлжээтэ сесси дээрэ депутадуудай үзэмжэдэ табиха юм. Уран зурааша Бадмацырен Гомбожаповай бэлдэһэн гербын, Агын гүрэнэй телерадиокомпаниин хүдэлмэрилэгшэ Батажаргал Шагдаровай зураһан тугай эскизүүд Дүүмэдэ табигдаха болоо.

Герб ба тугай баталагдан абтатар, эмхидхэлэй комитет авторнуудтайнь суг хамта

ороһон ханамжа, дурадхалнууд дээрэнь үшөө дахин хүдэлхөөр уялгалагдаа. Ушар тиймэлээ манай Агын округой Дүүмэдэ ханамжануудад эдэбхитэйгээр түргэхэн эльгээхыетнай уриалнабди.

Бүгэдэ буряадуудай II съездын хүдэлмэридэ хабаадалсаһан делегадууд манай округой хүлдэ тэмдэгүүдэй проект тушаа ханамжануудаараа хубаалдалсаха байһандаа батаар найданабди.

А. АМОГОЛОНОВА
Агын округой Дүүмын хэблэлэй албанай хүтэлбэрилэгшэ



ГЕРБЫН, ТУГАЙ ТАЙЛБАРИ

ГЕРБ. Округой герб түхэрээн (сахариг) түхэлтэй юм. Энэ түхэрэниинь шара үнгөөр будагданхай. Газаа талаарнь шэниисын алтан хоолосууд сагаан торгон лентээр—буряад угсаатанай хадагаар хүрээлээтэй юм. Сагаан үнгэ хадаа ариун сэбэр байдалыг, буряад арадай хэтэ наһандаа хэрэглэжэ ябаһан сагаан эдээнэй үнгые гэршэлнэ бшуу. Хүндэтэ айлшадаа, мүн бүхы арадаа хүндэлхэдөө, эгээл хүндэтэй аха заханараа угтахандаа, хадагаа баридаг заншалтай гээшэбди.

Түхэрээнэй доодо таладань табан хушуу малай (хамар, эбэр, шэхэн) дүрсэнь үндэһэтэнэй сагаан үнгөөр угалзатуулан зурагдайхай. Түхэрээнэй тэгэн дунда—үндэр түрэлтэ 14-дэхи Далай-ламын ариудхаһан нангин Алхана уула, Агын элдин

хонгор тала дайда, гаража байһан паранай элшэ доро аришаан булагууд, гол горход, нуур соөрэмүүд. Шара үнгын дээдэ таладань "Россин Федераци, Агын Буряадай автономито округ" гэжэ бэшэгдэнхэй.

ТУГ Автономито округой тугай дүрсэнь гонзогоршог түхэлтэй аад, дүрбэн булантай, гол нууринь Россин гурбан үнгэтэй түг эзэлнэ. Зүгөөр тугай нэгэ таладань хүндэлэн шара зурууд худал гарана. Шара үнгэ юу гэршэлнэб гэхэдэ, нэгэдэхээр, буддын шажантанай хүлдэ тэмдэг, дэлхэй дээрэ эгээл энэрэнги байдалыг, хоёрдохоор, энэ үнгэ Агын талын баян таряалангыг элшэлжэ үгэнэ бшуу.

уригдажа, ехэл хүхюүтэй ошобобди. һанаһан хэрэгнай дахинаа урагшагүйдөө, ушарынь юун бэ гэхэдэ, эрдэмтэ Ж. Тумунов "Ага долоон эсэгэ зон юм, 1805 ондо хоёр эсэгэ зон ерэжэ, юнэ болоо. Хойто Буряадтаяа тоолохо болоо һаа, 30-аад байха, бишье һаяһуаг тэбхэр тугай эскиз үгэһэнби, таанад тэрэнииемни анхарнагүйт",—гэжэ ханамжа хэлэбэ.

Зал соо һууһан "Буряад үнэн" газетын корреспондент Цырен Гонгоров бодожо, "минишье үгэһэн тугай эскиз дурданагүйт, хун шубуутай нэн",—гэбэ. Илгэжэ шууялдаан, үгэ буяалдаан боложо, оромоо олохоёо болишобо хэбэртэй.

Ж. Тумунов: "Энэ асуудал яарангүй хараха хэрэгтэй" гэхэдэнь, түрүүлэгшын орлогшо В.Н. Кириллов "Хэды болотор унжагайруулаха зомбибди" гэжэ зүйтэйшье юумэ хэлэбэ. Тийгэжэ шэнээр комисси баталагдаа.

Энэ хэрэг нилээд удаан унжагайрха, нилээд олон эскизүүд орожол байха, дууһахагүй хэрэг болошобо гээшэ гү гэлсээд, авторнууд гаража ошоо һэмди.

Оромоо олохоёо болишоод

үнгэтэй зурууд һанаа хүм:

а/ энэ шара үнгэ. Агын баян талын таряан ургаса, үбнэ ногоон, эдэб жэмэс, ой модон энэниие гэршэлнэ;

б/ шара үнгэ Буддын шажанай үнгэ болоно гээшэ Манай буряад арад шажан мургалдэйнгөө талаар Буддын шажанда ородог. Буддын шажан дэлхэйн шажанууд сооһоо эгээл үнинэй, философско гүн ухаатай, ссэн хургаалтай арадуудай, үндэһэ яһатанай хоорондо ямаршье зурга номнолгүй шажан юм, тиймэлээ эдэб яһатан Буддын шажанай хургаал үзэжэ, ехэ дасангууды ехэ зиндаатай эрдэмтэд боложо гарадаг байгаа, мүнөөшье гараһаар;

в/ буряад зон шара арһатанай бүлэгтэ ороно гээшэ ааб даа.

Шара үнгын дээдэ таладань сагаан морин харагдана. Сагаан үнгэ буряад зондо ехэ удхатай, ехэ дэмбэрэлтэй юм ааб даа. Сагаан эдээн сагаан сэдхэл харуулан үнгэ болодог.

Сагаан харын шэнэдэ ай бүхэн хии мориёо тусгаар нэгэ үдэр зүг шэгтэйгээр, сагтайгаар амгалан тайбан ажаһууһын хэшэг олзын наашалхын түлөө нэгэ жэлэй хугасаатайгаар хийдхэдэг юм. Тиймэлээ округоймнай тугай магнайда сагаан хүлдэтэ сагаан морин байгаа һаа, юумэн бүгэдэмнай ажал хүдэлмэри, эд зөөри, эдэр хоол, энхэ элүүр булта наашла эрхэхэ байха гэжэ һананаб.

Энэ шара үнгэдэ Ага найман эсэгын 8 шэхэн гэхэ гү, ам шушуур харагдана. Орой дээрэхи хурса зэбэ үзүүрынь (наконечник) хорюулхадаа, бүмбэрсэг дэлхэйн түхэл дүрсэ хөгдэһэн байна.

Ушар тиймэлээ Улаан-Үдэдэ ажаһуудаг манай нотагаһаа гараһан эрдэмтэд ханамжа хэлэхэ, туһалха байха гэжэ ехэл найданаб.

Батажаргал ШАГДАРОВ,
гүрэнэй телерадиокомпаниин хүдэлмэрилэгшэ

КОНКУРСДО ХАБААДАГШЫН ҮГЭ

1994 ондо округой туг, герб зохиёхо хэрэгээр конкурс соносхогдоһон юм. Тэрэмнай болзортой юм һаабдаа. Тийхэдэ бишье тугай эскиз зуража үгэһэн байгаа. 1996 оной апрель һарада округой Дүүмын заседани дээрэ ороһон хүлдэ тэмдэгүүд харагдаха, депутадуудай үзэмжэдэ табигдаха байна.

Эмхидхэлэй комитедэй гэшүүдээр иимэ хүнүүд баталагданхай гэбэл, эрдэмтэ, багша, ажалай ветеран Ж. Тумунов, эрдэмтэ, музейн директор Ж-Ж. Доржиев, Россин габыата юрист, судья Д. Тапхаев, округийсэдкомой түрүүлэгшын орлогшо ябаһан, пенсионер Ц. Эрдынеев, ажалай ветеран Ц. Б. Анандаев гэшүүд

ороһон байгаа. Комиссиин түрүүлэгшээр Агын округой Дүүмын түрүүлэгшын орлогшо В. Н. Кириллов томилогдонхой юм.

Энэ комиссиин заседаниин шийдхэбэрээр минии зураһан тугай, Бадмацырен Гомбожаповай гербын эскизүүд шэлэгдэн абтаа нэн. Зүгөөр минии эскиз дээрэ зураатай байһан тугай хурса зэбэ үзүүрынь (наконечник) болюулха; эбэр номоо орхихо гэхэ мэтэ ханамжануудыг хэлэжэ үгөө һаабдаа. Тийхэдэнь хэлэгдэгшэ дурадхалнуудыг анхаралдаа абан, энэ харюусалгатай хэрэгые дахинаа зуража, тушаагаа һэмби.

Энэ хэрэг радио, телевиденээр дамжуулагдаа, тунхаглагдаа, газетэдэшье бэшэгдэжэ гараа. Зон ханамжануудаа хубаалдажа эхилээ.

Толилогдохоор эльгээгдэһэн 2-дохи вариантнь "Агинская правда" газетэдэ ехэл удааржа барлуулагдаа нэн. Тийгэжэ энэ тугай эскиздэ Агын найман эсэгын тэмдэгшыг ороо юм. Теэд Дүүмын суглаан болошыг һаа, энэ тойрогой хүлдэ тэмдэгүүд-түг, герб хэдэн удаа зүбшэгдэн хэлсэгдэбэшье, хүсэд баталагдан абтаагүй, эдэб ханамжанууд, бодолнууд түрөөд лэ, шууялдаад лэ үнгэршэдэг байгаа.

Февралын 5-най захиргаанай суглаанда авторнууд одоошыг

байха үедэмнай Улаан-Үдэдэ ажаһуудаг манай нотагайхид, эрдэмтэд ханамжануудаа хубаалдажа байгаа гэжэ ханахаар, Шэлэгдэн абтаһан тугаймни адууе заһалсажа, энэ нангин харюусалгатай хэрэг бүтээлсыт, нотагаймнай хүлдэ тэмдэг болохо тугнай хэтын хэтэдэ хайн хайханаар харагдаха, улад зоноо урагшань дабшуулха, һурһудынь үргэхэ, урма зориг бадаруулха тэмдэг болохо ёһотой ха юм. Өөрынгөө зохиёһон туг тухай бөгөнхоноор элирүүлжэ үгэхэ хүсэлэнтэйб.

Тугай эшэ таладань, дээрэһээ доошоо гурбан үнгын нэгэнэй үргэнтэй адли хэмжээнэй шара

ЭНЭ АСУУДАЛДА округой Дүүмын нэгэ удхатай харюу үгэһөөрнь удахагүй жэл болохонь.

Зүгөөр энэ асуудалаар байгуулагдаһан тусхай комисси тодорхой шийдхэбэри үшөө абаагүй байһаар. Шухала асуудал шийдхэхэ хэрэгтэ юүдэ иимэ яаралгүй ябадал гаргагдаха болоноб? Энээн тушаа олохон хүнүүд асуудал табина. Али хүнүүд соносхогдоһон конкурсдо хабааданагүй юм гү? Али дурадхагдаһан эскизүүдтэ комиссиин гэшүүд анхараалаа хандуулаагүй юм гү? Тус комисси шийдхэбэри абахаяа зориута

ЭДЭ БҮГЭДЭ МАНДА ХЭРЭГТЭЙ ГҮ?

хойшолуулна гү, али урдаа табиһан зорилгоёо бэелүүлжэ шаданагүй гээшэ гү? Округой хүлдэ тэмдэгүүд ямар байха ёһотойб гэжэ комиссиин зарим гэшүүд мэргэжэлтэ ёһоор, этигэлтэй найдамтайгаар сэгнэжэ шаданагүй гү? Эдэ бүхы асуудалнуудта тодорхой харюу үгтэхөөр болоо.

Округой түлөөлэгшэдэй эмхиин даалгабарие, ямаршье байгаа һаань, харюусалгатайгаар дүүргэхэ хэрэгтэй. Энэниие бээ даанги, өөрын эрхэтэй,

ямаршье ажалда хүдэлдэг хамаагүй, ямаршье шажан хүзэгтэ шүтэдэг өөрөгүй, ямаршье политическэ хараа шугам баримталдаг, түрэл округойнгоо нэрэ хүндыг хүндэлжэ ябадаг округоймнай хэдэн мянгаад хүн өөһэдтөө таарама хүлдэ тэмдэгтэй болохыг ехэтэ хүлээнэ бшуу.

Бүхы дэлхэй дээрэ өөһэдэйн герб, өөһэдэйн туг үгы арад, гүрэн байхагүй. Энэмнай хүн зоной омогорхбал, эрмэлзэлгэ, этигэл, найдал болоно гээлнэ. Ушар тиймэлээ хайн шапартай

эскизүүдыг шэлэжэ абаха хэрэгтэ округой зон олоороо хабаадалсаха ёһотой.

Конкурсдо ороһон бүхы эскизүүд дугаарлагдаад, авторнуудайнь нэрэнүүдыг бэшэнгүйгөөр, олоной үзэмжэдэ табижа харуулха, хүн зоной шэлэһэн, хайн гэжэ тоолоһон эскизүүд һүүлдэнь комисси хэлсэгдэжэ баталагдаад, округой Дүүмын сессиин хүдэлмэридэ эльгээгдэхэ ёһотой гэхэн дурадхал оруулаб.

Ц. ЦЫДЫПОВ

ХАА-ЯА шийдхэгдээгүй асуудалнууднаа хашаржа ондоо юумэн тухай (сэдьхэлым дүүргэхэ) бодохоёо хүсэхэдэш, үхибүүн наһаншни, аба эжышни, үри хүүгэдшни, эльгэлһэн гансахан тоонтошни, ханагаадхиха. Нээрээшье, - "түрэл хэлэн түрэн дайда хоёроо хаанаш яба, хэээдэш мартахагүйш" - гэхэн Николай Дамдиновой мүнүүд тон мэргэн, гүнзгы удхатай байна. Элһэн нютагайнгаа дунда хургуули дүүргэжэ, Улаан-Үдын багшанарай дээдэ хургуулида орохоор, түрүүшын сессиингээ үшөө эхилээдүй байхада, нютагни намайгаа аргагүй ехэ хүсэтэйгөөр татаа, тиибэшье, сессиеэ дабахал хэрэгтэй гээд сүхэрөө хэм даа. Хожомынь, сессиин дүүрэмсээр буугай һомондол түргөөр түрэл хайхан Хурамхаан руугаа ниидээ хэнби.

Үзэсхэлэн хайхан Баргажанай дайдаа, буурал Бархан уулын хормой доро урматгаар нэбшынэн үлгы фронт Элһэмни. Тайгын сэлгээн агаараар амилхаяа хүсэбэл, холошье ошоһоной хэрэггүй, арбаад алхам хээд, үльгэр мэтэ, орон, заха хизааргүй зэнхэгэр тужа соо нүдөө нээхэш. Нютагым урда тээһээн хаданууд халхалдаг лэ.

Тэрэхадар сэнгэхэм гээ наа, шилээдгүй удаан, эсэтэрээ налгай гоёр нэмжынэн сээрлиг тала дабах хэрэгтэй. Сэнгүү наһан, хүхын дуута хүннүүд, түрүүшын дуран-эдэ бүгэдэ юумэн ханагаад, тамир хүсым дахинаа түгэс тэхэриулхэхэ байха, сэдьхэл зүрхым барагдашагүй баяраар билтаруулдаг. Нютагаа бусаадам хадануудни, үни удаанай хүлээһэн янзатай, баяртайнууд угтана, ошохо гэхэдэм, шамайгаа хаража, шантаяа зугаалжа садаагүйбди, бү ошшы даа, үшөө хэдэн хонго соо байгыш, табихагүйбди гэхэншүүгээр гэтэхэндэл байхадань, үшөө хэдэн үдэр соо үлэхээ хүсэгшэб. Теэд тийхын аргагүй, хуралсалаа орхижо оройдоошье болохогүй бшуу. хургуулиа дүүргэхэдэмни, тоонтомни ямаршьеб нэгэ шэди

хүсөөр намайгаа татаад, тэсэбэримни барагдажа, зүрхэ сэдьхэлни түрэл Хурамхаан, түрэн Элһэн тээшээ шамдана. Энэ хүсэтэй татаса тухай Баяр нүхэртэйгөө хөөрөлдөөр, жэл хахадтай Эрдэм хүбүүнтэйгээ байһаар мартаха. Иигэжэ заримдаа шийдхэгдээгүй асуудалнууднаа хашаржа, нютагаа ханаад шэнэ түгэс хүсэ

амархаяа ганса бэшэ, харин миин лэ хайрхажаяа ошодог болонхой. Хари түрэн ошохооо урид түрэл оронойнгоо үзэсхэлэнтэ газарнуудаар аяншалжа амархаяа яана гээшэб? Миинишье нютага абаад үзэхэдэ, хилын саанахи томо хайхан курортнууднаа үлүү хайхан байхадааш магадгүй. Дулаан хаһын дүтэлхэдэ нютагтам,

Зураглал

ҮЛГЫ ТООНТЫН ШЭДИТЭ ХҮСЭН

тамиртай болобошье, түрэн газарайнгаа шангахан татасые хайн лэ досоогоо мэдэрдэгби.

Мүнөө Элһэнэйнгээ дунда хургуулида багшын эдэбхитэй практикага гаража ерээд, үшөө бараг, сэдьхэл дүүрэн ябанаб. Хэды харын турша соо хотодо байгаад, нютагаа бусажа ерэхэдэм, Элһэмни бүри хайханаар, дулаанаар нодэндэм харагдажа, дурьем бүри ехээр буляаха бээ. Жэлһээ жэлдэ түрэл нютагайнгаа хүгжэн халбаржа байхада аргагүй ехээр баярланаб. Миини нютага ошожо ерэхэ һэнга, илангаяа хабартаа Элһэмни үглөөнэй зэнхэгэр манан соо төөриһэндэл, мойһоной сээрлиг соо харагдахаяа болшоодог. Үшөө манай залууда сээсэлһэн мойһон соогуур төөришэхөөр байдаг һэн гэжэ эжы аба хоёрни урмашан ханажа хөөрөгшэ һэн. Мүнөөдөө нютагаа хаража байгаад, аба эжынгээ хөөрөөнүүдһээ нютагайнгаа бүри хайхан байһан тухай мэдэхэдэ, тэрэ хайханинь хайшаа ороо юм бэ гэхэн асуудалһаа нэгэ бага гунигтайшье болодог. Харин мүнөө байгаалингаа урданай шэг шарайе бусаахын түлөө нютагаархиднай эдэбхитэй ажал ябуулагша. Энэ үедэ заримашууднай гадаадын түрэнүүдэй газарнуудаар

илангаяа хүнидөө хаб хара тужын сээжэһээ хадын горхонуудай бурьян шааяха дуулаад, Баргажан голой харьялан халихые шагнаад, уяржа байхадатнай тайгаһаа тэрэнгийн хоншуухан үнэрөөр һэбшээлхэдэ, архишьегүйгөөр һогтошохот. Тайгатай дайдаарни аяншалжа, хожомынь энэ аяншалга зүрхэ сэдьхэлэйтнай оёрто эгээн хайхан мэдэрэл үлөөжэ, баяр дээрэтнай баяр нэмээжэ, уйдхар гүнигметнай бутарган тараажа байхал һэн.

Сагнай бэрхэтэй, дэлгүүрэй харилсаан ерэжэ, хүн зоной шодэ манатуулжа, байгаалимнайшье хандаржа, халажа байна. Тингээд Баяр бидэ хоёртой хүбүүндэмнай ямар баялиг үлэхэ юм, ерээдүй сагта яажа амидарха юм, харюу олдохонь бэрхэтэй байна. Маанадтаал, эжы абадаал адли хүбүүмнай оөрингөө үхибүүдээр, ашанараараа бүри үзэсхэлэнтэ болошоһон ороноо, түрэл нютагаа магтан, мойһоной сээрлиг соогуур төөрин, бузарлагдаагүй сөбэр уһандэ шунган, хүхэ номин тэнгэри доро хаанашые ябахадаяа үлгы тоонтодоо татуулан жаргажа ябаһай даа гэжэ хүсэмөөр байна даа.

Арюна Эрхитуева,
Буряадай Гүрэнэй
университедэй 4-дэхи курсын
оюутан.

Аймагай газетэнүүдһээ

УРИН ЗӨӨЛЭН, ИЛДАМ НАЙХАН СЭДЬХЭЛЭЭР...

Тооро тосхоной участково больницада бээ харуулха, үзүүлхээ, аргалуулхаяа ороһон байгааб. Эндэ хэдэн хоногой туршада бээ аргалуулжа байхадаа, тус больницын хүдэлмэрилгшэдэй үбшэн бидэнэртэ энэрхы зохидхоноор, хүндэмүүшэ ёһоор хандаагые ойлгожо, мэдэжэ гараабди. Би гансаараа иигэжэ, ханана, бэшэнэ бэшэб, эдэнэр тухай тус больницада ороһон хүнүүдэй гомдол ба ханамжа дуралхалнуудаа бэшэдэг дэбтэр ирсагаан хараа хүм. Больницын ахамад врач С.С. Холбоев тухай дэбтэр соонь хайн хайхан үгэнүүд бэшээтэй байба. Эһэньше ойлгосотой. Тус больницада ахамад

врачаар хүдэлхээ ерэнэн залуу врач түрүүшын үдэрһөө эбтэй эетэй хайн коллектив байгуулжа шадаа.

Тиимэһээ коллективэй хүдэлмэрилгшэдаамад врачтаал адли больницада ороһон үбгэд, хүлгээд, залушуулда зохид хайнаар хандажа, бидэнэрые түргэн хүл дээрэмнай табихые оролдодог, одоол бидэнэрэй ханаха байха нарин гартай эмшэд байһанаа харуулна. Эдэнэрые нэрлэбэл, ахамад врачай туһалагшад - медицинын ахалагша сестра А.Ж. Шагланова, тогоошон С.Б. Хундаева болон бусадые нэрлэлтэй, - гээд хоёрдохой бүлгэгэй инвалид И. Бодроев бэшэнэ.

"САЯНЫ" газетэһээ

ОРОДОЙ АРШААН ХҮЛЕЭНЭ

Энэмнай ород хүн зоной аршаан бэшэ, харин Хэжэнгын аймагта оршодог Ород нэрэтэй газарай нэрээр нэршэһэн, үндэһэн арадаймнай оюун бэлигэй хүшөө болоһон "Бэлигүүн толин" автор доромбо - лама Эрдэни Хайбзан Галшиевай түрэн нютаг юм. Хэр угһаа нютагайхид эндээ ерэжэ, маха бадаа элүүржүүлдэг болоһон байгаа. Нүүлэй үедэ иишэ хүн зон олоороо ерэжэ байдаг. Юуб гэхэдэ, эндэхи "Майла" гэжэ таряшадай ажыхы байгуулһан Саяна болон Николай

Ковалёвтоной үүргэ эндэ ехэ юм. Эдэнэр малаа хараад хуухаһаа гадна, аршаанда амархаяа ерэгшэдые эдэе хоолоор хангана.

- Зунай үедэ гурбан зуун хүнэй ерээшье наа, эдэ хоёр бултыень хүлээжэ абаха аргатай. Байра байдалынь түгэсбэлэдхэлтэй. Заалһаа 7-10 хоногто эндэ хууха бэшэ, мүнхэдэхэн үдэрөөр эндэ амараад ошоходо болоно, - гэжэ нютагай зайһанд Д.Б. Митыпов хөөрэнэ.

"Хэжэнгэ" газетэһээ.

ТЕЛЕВИЗИОННИЙ

Программа канала ОРТ с 20 по 24 марта.
РОССИИН ишттын телевидениин (ОРТ-гэй) программни хариалгаһан сар соогоо манай редакция эльгээгүүгэй байһан ушарһаа шалтагаалан, тус программые хожомжо толилхо баатай болобожди.

- 20, СРЕДА**
- 7.00 Телеутро.
 - 10.00, 13.00, 16.00 Новости.
 - 10.15, 19.20 "Секрет тропиканки".
 - 11.05 Тема.
 - 11.50 В мире животных.
 - 12.30 "Угадай мелодию".
 - 13.10 В эфире ГТРК "Мир".
 - 13.50 "Открытая книга". Фильм 2-ой, 1 серия.
 - 15.00 Мультфильм.
 - 15.10 Приключения в Одиссее.
 - 16.40 Кактус и К.
 - 16.50 Домисолька.
 - 17.10 Зов джунглей.
 - 17.35 "Элен и ребята".
 - 18.00 Тет-а-тет.
 - 18.30 Семь дней спорта.
 - 19.00 Новости.
 - 20.10 Час пик.
 - 20.35 Смехопанорама.
 - 21.05 Один на один.
 - 21.45 Спокойной ночи, малыши!
 - 22.00 Время.
 - 22.45 Кинокомедия "Фонтан".
 - 00.35-02.30 Технический перерыв.
 - 02.30 Кинематограф.
 - 03.00 "Чёрный треугольник", 2 серия.
- 21, ЧЕТВЕРГ**
- 7.00 Телеутро.
 - 10.00, 13.00, 16.00 Новости.
 - 10.15, 19.15 "Секрет тропиканки"
 - 11.05 Футбол Лига чемпионов.
 - "Ювентус" (Италия) - "Реал" (Испания).
 - 13.10 В эфире ГТРК "Мир".
 - 13.50 "Открытая книга". Фильм 2-й, 2 серия.
 - 15.10 ТСН.
 - 16.15 Вкус прессы.
 - 16.20 Приключения в Одиссее.
 - 16.45 Лего-го.
 - 17.15 Тин-тоник.
 - 17.40 "Элен и ребята".
 - 18.05-02.30 Фигурное катание. Чемпионат мира. Парное катание. Произвольная программа.
 - 19.00 Новости.
 - 20.05 Футбол. Лига чемпионов. 1/4 финала. "Спартак" (Москва) - "Нант" (Франция).
 - 21.45 Спокойной ночи, малыши!
 - 22.00 Время.
 - 22.45 Роджер Мур в боевике "Захват в северном море".
 - 00.30-02.30 Технический перерыв.
 - 03.25 Футбол. Лига чемпионов. 1/4 финала. Обзор трёх матчей.
- 22, ПЯТНИЦА**
- 7.00 Телеутро.
 - 10.00, 13.00, 16.00 Новости.
 - 10.15, 19.20 "Секрет тропиканки".
 - 11.05 Один на один.
 - 11.45 Играй, гармонь.
 - 12.15 Мультфильм.
 - 12.25 Пока все дома.
 - 13.10 В эфире ГТРК "Мир".
 - 13.50 Открытая книга. Фильм 2-ой, 3 серия.
 - 15.00 Мультфильм.
 - 15.10 Телевизионная служба новостей.
 - 16.15 Вкус прессы.
 - 16.20 Приключения в Одиссее.
 - 16.45 Фильм-сказка "Марья-искусница".
 - 18.00-02.30 Фигурное катание. Чемпионат мира. Мужчины. Произвольная программа.
 - 19.00 Новости.
- 23, СУББОТА**
- 8.45 Телеканал "Подъём".
 - 9.45 Слово пастыря.
 - 10.00, 16.00 Новости.
 - 11.30 Не зевай.
 - 12.00 Утренняя почта.
 - 12.35 Смак.
 - 12.55 Эрмитаж. Фаворит Петра Великого.
 - 13.25 Люсьена Овчинникова в фильме "Мама вышла замуж".
 - 15.20 В мире животных.
 - 16.20 Окно в Европу.
 - 16.45 Бомонд.
 - 17.05 Фигурное катание. Чемпионат мира. Произвольный танец.
 - 18.10 Счастливы случай.
 - 19.00 Новости.
 - 19.20 Весёлые истории в журнале "Ералаш".
 - 19.40 Телескоп.
 - 20.21 Золотая серия Год 1985-й.
 - "Самая обаятельная и привлекательная".
 - 21.45 Спокойной ночи, малыши!
 - 22.00 Время.
 - 22.45 Детективное агентство "Лунный свет".
 - 23.45 Дни
 - 00.35-02.25 Технический перерыв.
 - 02.25 Брейн-ринг.
 - 03.10 Коллекция 1 канала. Жан Мария Волонте в криминальной драме "Счастливыч Лучано".
- 24, ВОСКРЕСЕНЬЕ**
- 8.50 Тираж "Спортлото".
 - 9.00 Телеканал "Подъём".
 - 10.00 Мультфильм.
 - 11.25 Пока все дома.
 - 12.00 Утренняя звезда.
 - 12.50 Из первых рук.
 - 13.00 Служу России.
 - 13.30 Играй, гармонь.
 - 14.00 Русский мир.
 - 14.25 Очевидное невероятное.
 - 14.55 Смехопанорама.
 - 15.25 Пиратчи.
 - 16.00 Новости.
 - 16.15 Мультфильмы.
 - 16.30 Вокзал мечты.
 - 17.10 Клуб путешественников.
 - 17.55 Автомобиль и Я.
 - 18.15 Мультфейерверк.
 - 19.00 Новости.
 - 19.20 КВН - Ассорти.
 - 19.55 Фигурное катание. Чемпионат мира. Женщины. Произвольная программа.
 - 20.55 Мультфильм.
 - 21.00 Филипп Нуаре в комедии "Откройте, полиция".
 - 23.00 Воскресенье.
 - 00.00 Любовь с первого взгляда.
 - 00.35-02.25 Технический перерыв.
 - 02.30 Детективное агентство "Лунный свет".
 - 03.25 Телефильм "Дождь в чужом городе".

